

sier Hironimo Capello, savio a terra ferma, ultimo sier Pollo Barbo, procurator, per il preso; et li savij, a l'incontro di sier Antonio Trun, messeno indusiar. Andò le parte; fu presa quella dil Trun, *videlicet* di risponderli per letere al salvo condotto li è stà mandato, di la galia sarà in hordine, di li danari non li dovemo dar tanti, ma visto li conti, quello doverà haver soa maestà saremo contenti dargeli *statim etc.*, et *alia verba*. Et fo comandata questa deliberation secretissima.

Fu fato provedador in la Patria di Friul sier Zuan Paulo Gradenigo, fo provedador in la Patria di Friul, *quondam* sier Zusto, el qual accettò subito, et si partirà fin 6 zorni. E questo è il scrutinio:

Electo provedador in la Patria di Friul.

208	Sier Zuan Diedo, fo provedador in campo, <i>quondam</i> sier Alvixe,	74
	Sier Zustignau Morexini, fo provedador in campo, <i>quondam</i> sier Marco,	59
	Sier Andrea Fosecolo, è ai X savij, <i>quondam</i> sier Hironimo,	44
	Sier Polo Trivixan, el cavalier, fo provedador a Sallò, di sier Baldisera,	39
	Sier Hironimo Contarini, fo provedador in armada, <i>quondam</i> sier Francesco,	68
	† Sier Zuan Paulo Gradenigo, fo podestà et capitano a Crema,	140
	Sier Lunardo Grimani, fo savio dil consejo, <i>quondam</i> sier Piero,	43
	Sier Zorzi Emo, el cao dil consejo di X, <i>quondam</i> sier Zuan, el cavalier,	83
	Sier Vienenzo Valier, fo di la zonta, <i>quondam</i> sier Piero,	64
	Sier Francesco Contarini, <i>quondam</i> sier Luca,	17
	Sier Piero Michiel, è a le raxon nuovo, <i>quondam</i> sier Luca,	59
	Non. Sier Piero Marcello, fo consier, <i>quondam</i> sier Jacomo Antonio, cavalier,	

183 *A di 22, sabado.* Fo consejo di X. E in questo zorno fo fato il parenta' di mia eugnada, a cha' di Prioli, in sier Hironimo Dandolo.

A di 23. Fo gran consejo. Fo posto la parte, presa in pregadi, zerecha dar contumacia *de cætero* a tutti li officij, zudegadi e rezimenti, exeptuando li consieri, al luogo di procuratori, zudexi per le corte, tutti li savij, e tutti i conselij, capitano zeneral di

mar, provedadori di l'armada, capitano al colfo, capitano di galie di viazi, capitano di le barche armade, et soracomiti, qualli habino la contumacia solita, *in reliquis*, tutti sotozazio a la parte di le contumacie. Ave una non sinciera, 155 di no, 1239 di sì; et fu presa.

Fu posto *etiam* la parte del vender di le scrivanie e massarie, per scuoder quello sono debitori, che *de cætero* più non si vendi, ma li governadori atendino a scuoder da quelli dieno pagar. Ave 6 non sinciere, 71 di no, 1131 di sì; fu presa. La qual parte fo presa in pregadi a di 21. Ave 12 di no, 190 di sì.

Fo butado il pro' di la paga di 1475, vien primo dil sestier di Canarejo, come fu la paga passada, la qual sier Antonio Sanudo, mio fradello, l'à pagada in mexi . . . , come oficial a la camera d'imprestidi, e pagerà anche questa.

Noto, in questi zorni era a Vicenza sier Piero da Canal, *quondam* sier Christofolo, camerlengo, el qual fino al tempo di sier Francesco Barbarigo, era capetanio, li manchò danari in cassa; et cussi al presente par el dito sier Piero si habbi absentado, et à robà ducati Inteso questo la Signoria, per letere di sier Piero Trun, et sier Anzolo Malipiero, rectori di Vicenza, et commesso tal cossa a li avogadori, qualli fenno certe provision, trovano pur alcuni danari, *tamen* manchò da ducati . . . , come dirò di soto. Fo suo piezo sier Lorenzo Moro, di sier Christofollo, qual pagerà ducati 400; et fo fato in loco suo sier Francesco Querini, *quondam* sier Biagio.

A di 24, fo San Bortolomio. Fo pregadi. Et lete le infrascripte letere:

Da mar, da Corfù, di rectori, et maxime di sier Bernardo Barbarigo, capetanio e provedador, molto longe, di quelli successi, et dil Zante, il sumario è questo. El provedador di l'arma', ito verso Napoli di Romania, per trovar corsari e fuste di turchi, scrive di galie e soracomiti zonti li. *Item*, che la galia Mora, fu pressa, Alli, bassà di la Morea havia fato sententia, *videlicet* mandarla a donar con l'artilarie al signor turco, a Constantinopoli, et il soracomito et uno da cha' Donado, zovene, era nobele; et che li homeni fusseno venduti, e za è stà venduti numero 32, per aspri 20 milia, ch'è zerecha ducati X l'uno; et il scrivano era stà impalado. *Item*, com'è a Negroponte, e quelli lochi, da fuste 20 in hordine, con assa' scale; si dubita vogliano andar in Arzipielago a combater Niehsia; e si dice il duca di André è morto. *Item*, scriveno di provision si habi